

南川安靖王名申鋹定王第四子成化七年封嘉  
靖十一年薨子賓湓卒孫讓樺嗣樺薨子承燝卒  
孫康僖王宣礪嗣礪薨子奉銖嗣銖薨子至湘嗣  
壽定王名祐楫憲宗純皇帝第九子弘治四年封  
保寧十一年之國既而有癭疾謂水土所致疏乞  
改遷十七年遷於湖廣之常德嘉靖二十四年薨  
申懿王名祐楫憲宗純皇帝第十三子成化二十  
三年生五歲受封是爲弘治四年建王邸於敘州  
府未之國十六歲卒